

Zbirka medijskih objava

VladaBrckoDistrikta_kliping_dnevno,
za razdoblje 13. 11. 2022

Broj objava: 6

Internet: 6

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 6

Brčko:

Internet	Naslov	Tržnica „Arizona“ formirana je prije 25 godina: Vikendom rijeke kupaca iz Hrvatske, Slovenije, Srbije i svih dijelova Bosne i Hercegovine /FOTO Tržnica „Arizona“ formirana je prije 25 godina: Vikendom		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 11. 2022		
	Autor	Unknown		
	Teme	Brčko		

Internet	Naslov	Komunalno Brčko: Havarija na gradskom cjevovodovodu, nije poznato kada će biti normalizirano vodosnabdijevanje Komunalno Brčko: Havarija na gradskom cjevovodovodu, nije poznato kada će biti normalizir		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 11. 2022		
	Autor	Unknown		
	Teme	Brčko		

Internet	Naslov	Belaj za belajem za Komunalno Brčko: Novo curenje vode kod Gradskog stadiona Belaj za belajem za Komunalno Brčko: Novo curenje vode kod Gradskog stadiona		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 11. 2022		
	Autor	Unknown		
	Teme	Brčko		

Internet	Naslov	Mokri, blatnjavi na ne baš prijatnom i na momente vrlo „oštrom“ vjetru pored Save: Radnici Komunalnog zaslužuju našu zahvalnost! Mokri, blatnjavi na ne baš prijatnom i na momente vrlo „oštrom“ vjetr		
Serijski br. 4	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 11. 2022		
	Autor	Unknown		
	Teme	Brčko		

Internet	Naslov	Danas je preminuo hrabri ratnik iz Francuske Gaston Besson, učestvovao i u borbama oko Brčkog /FOTO Danas je preminuo hrabri ratnik iz Francuske Gaston Besson, učestvovao i u borbama oko Brčkog /FOTO		
Serijski br. 5	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 12. 11. 2022		
	Autor	Unknown		
	Teme	Brčko		

Internet	Naslov	Hafiz Ammar Bašić u prepunom Domu kulture u Brčkom održao tribinu o temi “Probudi svoje srce”/FOTO Hafiz Ammar Bašić u prepunom Domu kulture u Brčkom održao tribinu o temi “Probudi svoje srce”/FOTO		
Serijski br. 6	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 13. 11. 2022		
	Autor	Unknown		
	Teme	Brčko		



Vikendom rijeke kupaca iz Hrvatske, Slovenije, Srbije i svih dijelova Bosne i Hercegovine /FOTO

U malom posavskom selu Dubrave, na trouglu općina Gradačac, **Brčko** i Srebrenik, s obje strane magistralnog puta Tuzla – Orašje smještena je najveća tržnica u Bosni i Hercegovini – “Arizona”.

Formirana je 1997. godine, spontano, a postala je kulno mjesto prve poslijeratne međuentitetske trgovine u BiH. Na tom mjestu su se okupljali Bošnjaci, Srbi, Hrvati, Romi, Albanci. Niklo je na stotine drvenih baraka, a moglo se kupiti apsolutno sve.

Dašćare srušene

Nekad je “Arizona” bila sinonim za švercanje, a jedno vrijeme tamo je bilo čak i ilegalnih javnih kuća.

– Tih godina Distrikt **Brčko** je gubio milione, pa smo donijeli program uređenja tržnice. Dašćare su porušene, urađena je savremena infrastruktura, a onda je počela gradnja čvrstih objekata. Danas je to mali grad u kome posao ima 2.500 prijavljenih radnika, a u kasu Distrikta se godišnje slije oko 14 miliona maraka – kazao nam je Ismet Dedeić, tvorac savremene tržnice “Arizona”.

Ekipa „Avaza“ posjetila je ovu pijacu, koja se nalazi na 15-ak kilometara od **Brčkog**.



Kako su nam rekli prodavači, trenutno se najviše traže peći na čvrsto gorivo. No, građani na „Arizoni“ mogu kupiti sve, od vjenčаница i odijela, vijčane robe, poljoprivrednih alatki, voća, povrća, garderobe, donjeg veša, raznih “krpica”, nakita... Zatekli smo i ljubazne prodavače u modernim prodajnim prostorima. Iako je konkurencija velika, među njima vlada velika solidarnost.

Moderni objekti

Senad Vegopčević iz Gračanice, Mario Džinić iz Bijele, Boro Kanjević iz Bijeljine, Feti Šabani iz Gostivara uglavnom kažu da se ovdje ne pita ko je ko, kako se zove, koje je vjere i nacije, već je li čovjek ili nije, treba li pomoći kada nekome posao ne ide.



– Svi se mi dobro poznajemo, zajedno smo krenuli iz daščara prije više od 20 godina i došli do ovoga, sada su tu moderni objekti. Pomažemo jedni drugima kad kome zaškripi. Svi mi živimo od tržnice i porodice izdržavamo. Ako kod jednog od nas nešto nedostaje, mušteriju uputimo drugom kolegi. Oni koji govore o nacionalizmu, koji ljude razdvajaju, neka dođu na ovu tržnicu i neka se nauče o životu od ovih ljudi. Ovo je BiH u malom i zato smo opstali na ovom komadu naše države – kazao nam je Šabani.

Neradni ponedjeljak

„Arizona” je poznata kao mjesto gdje se mogu kupiti poznati svjetski brendovi po niskim cijenama. Naravno, radi se o „lažnjacima” marki „Lacosta”, „Tommy Hilfiger”, „Dolce Gabbana”, „Gucci”, „Adidas”...

Ovdje se svakim danom, osim neradnog ponedjeljka, a naročito vikendom, slije rijeka kupaca iz Hrvatske, Srbije, Slovenije i iz svih krajeva Bosne i Hercegovine.

Avaz.ba//Otisak.ba



Havarija na gradskom cjevovodovodu, nije poznato kada će biti normalizirano vodosnabdijevanje

U neposrednoj blizini graničnog prelaza u centru **Brčkog**, desila se havarija na gradskom cjevovodu, te je veliki dio grada ostao bez snabdijevanja vodom.

Naime, tokom ranih popodnevni sati došlo je do puknuća cijevi, te je iz tog razloga obustavljen transport vode na relaciji Fabrika vode – grad.

Zaposlenici RJ Vodovod i kanalizacija su na terenu, te će vrlo brzo započeti sa otklanjanjem kvara.

Molimo sve naše korisnike, koji su trenutno bez urednog vodosnabdijevanja, za razumijevanje i strpljenje, a mi ćemo učiniti sve da se što prije normalizuje snabdijevanje vodom u gradu, navedeno je iz Komunalnog na njihovoj Facebook stranici.

Otisak.ba



Novo curenje vode kod Gradskog stadiona

Zaposlenici Službe za održavanje vodovodne mreže privode kraju radove na sanaciji kvara nastalog danas u neposrednoj blizini graničnog prelaza na Bulevaru mira u centru **Brčkog**.

Međutim, tokom popodnevnih časova došlo je do većeg curenja na mreži u blizini stadiona Jedinstvo. Nakon brze reakcije radnika JP „Komunalno **Brčko**“, jedan dio curenja kod stadiona je zaustavljen, te je veći dio grada, koji se nalazi na nižim nivoima, dobio vodu.

Tokom noći radovi se nastavljaju, te očekujemo da će se situacija sa vodosnabdijevanjem još dodatno popraviti. Očekujemo stabilizaciju pritiska i normalizaciju vodosnabdijevanja u svim dijelovima grada tokom sutrašnjeg dana, navedeno je iz JP „Komunalno **Brčko**“.

Otisak.ba



Radnici Komunalnog zaslužuju našu zahvalnost!

Dokoni pojedinci koji nisu Bogzna šta sami ostvarili u svojim, očito nesretnim životima, „sjeli“ su na društvene mreže odmah nakon što je objavljena informacija o havariji na cjevovodu u ulici Savska, odnosno kod graničnog prijelaza **Brčko-Gunja**.

Ismijavanje, izrugivanje i svaki drugi prizemni vid nepoštovanja prema radnicima Komunalnog u **Brčkom** koji su promptno po lociranju kvara izašli na teren i bez prestanka satima rade na otklanjanju ovoga velikog problema koji su osjetili skoro svi građani u gradskoj zoni zbog nestanka vode.

Palamudi i trtomudi nisu razmislili da su na terenu mokri i promrzli nečiji očevi koji umjesto da ovaj lijepi dan provedu sa svojom djecom igrajući se i umjesto zajedničkog ručka sa svojim porodicama vrijedno i bez predaha rade na otklanjanju kvara.

Mokri, blatnjavi na ne baš prijatnom, na momente vrlo „oštrm“ vjetru pored Save žureći da što prije saniraju havariju u Savskoj ulici.

Ali ne leži vraže dogodio se novi problem curenja vode u blizini Gradskog stadiona, pa su i tu vrijedne ekipe JP „Komunalnog“ na terenu, a sve kako bi svi skupa što prije opet uživali u blagodatima vode.

Zato odajmo poštovanje spram ovih vrijednih ljudi koji krajnjim naporima pokušavaju da što prije saniraju kvarove na vodovodnoj mreži jer to je najmanje što možemo da učinimo za njih dok sjedimo u toplim domovima.

F.M./Otisak.ba



Danas je preminuo hrabri ratnik iz Francuske Gaston Besson, učestvovao i u borbama oko **Brčkog** /FOTO

Jako tužna vijest za sve nas koji smo ga znali. Danas je preminuo Francuz Gaston Besson, koji je u Hrvatsku stigao avanturistički, kao fotoreporter, kako bi izvještavao s prvih crta bojišnice istočne Slavonije.



Gaston Besson

Svjedočio je ratnim strahotama i nepravедnom načinu ratovanja agresora te je odlučio pomoći. Kao bivši pripadnik padobranske postrojbe Francuske vojske, kao sudionik nekoliko ratova u kojima je idealizmom pokušavao rješavati privatne probleme, Besson se pridružio vinkovačkom HOS-u, potom specijalnim postrojbama GSHV-a, te konačno 108. brigadi HVO-a.



Gaston Besson

Besson, koji je više puta ranjavan ovako je opisao motive zbog kojih se uključio u rat na hrvatskoj strani: „Pa to nije bio nikakav rat, to je bio mučki masakr!

Nisu tu bile dvije vojske koje se sukobljavaju! Postojala je jedna moćna vojska – JNA, koja je napadajući masakrirala civile, a dio civila uzeo je puške u ruke i pokušao se obraniti od te sile.

Strani dragovoljci dolazili su ponukani tom nepravdom, naravno, uz brojne osobne motive, ali svi su redom ostajali samo iz jednog jedinog razloga. To nije bila ni politika, ni vjera, ni plaća, koja je bila ‘crkavica’ u ondašnjoj vrijednosti do 100 njemačkih maraka, nego zato što je ovaj rat jednostavno bio toliko nepravedan! Nije bilo važno ni tko je Hrvat, a tko Srbin, već činjenica da je jači napao slabijega.” Gaston, počivaj u miru, naveli su, naveli su bivši saborci ovoga hrabrog Francuza u informaciji koju su dostavili Otisku.

Otisak.ba



Hafiz Ammar Bašić u prepunom Domu kulture u **Brčkom** održao tribinu o temi "Probudi svoje srce"/FOTO

Sinoć je u prepunoj sali Doma kulture u **Brčkom** održana tribina na kojoj je bio, nama dragi gost, hafiz Ammar Bašić.



Ammar Bašić

Ova tribina je organizirana u okviru ciklusa tribina koje Medžis Islamske zajednice **Brčko**, organizira već 25 godina zaredom.



Hafiz Ammar Bašić je govorio o temi: "Probudi svoje srce".

Ovu prelijepu atmosferu dodatno je, svojim nastupom, uljepšao i hor "Mošus".

Otisak.ba